





“SCOPUS mengandungi *peer-reviewed research literature* dan sumber web yang paling berkualiti”.



# SCOPUS

## medium pilihan

para penyelidik dan pustakawan

PKMA telah melanggan *SCOPUS* sebagai tambahan kepada sumber ilmu dan maklumat untuk para pelajar, pensyarah dan penyelidik mahupun pustakawan di UNIMAS. Pangkalan Data *SCOPUS* ini menjadi pilihan kerana ianya adalah satu-satunya sumber terbesar yang menyediakan abstrak dan petikan secara meluas. *SCOPUS* mengandungi *peer-reviewed research literature* dan sumber web yang paling berkualiti. Dengan ini ianya menjadi sumber yang paling cepat, mudah dan komprehensif untuk menyokong segala keperluan kajian samada dalam bidang sains, teknikal, perubatan dan sains sosial serta terkini adalah termasuk bidang seni dan kemanusiaan. PKMA memutuskan untuk melanggan *SCOPUS* ini adalah untuk menyediakan sumber yang paling berpengaruh dan berkualiti kepada warga UNIMAS sebagai *platform* bagi UNIMAS untuk menuju ke arah Universiti Penyelidikan pada masa akan datang.

Antara sasaran PKMA untuk menyediakan *SCOPUS* ini adalah untuk memaksimumkan penggunaan sumber PKMA, meminimumkan masa yang

digunakan untuk mengumpul dan menganalisis maklumat yang berkaitan dan diperlukan oleh para penyelidik serta menyediakan akses yang mudah, paling relevan, komprehensif dan terkini kepada pelanggannya terutamanya golongan penyelidik UNIMAS.

Secara ringkasnya *SCOPUS* ini disasarkan untuk membantu para penyelidik untuk mengenalpasti jumlah petikan ke atas artikel yang berjaya diterbitkan oleh penulis sendiri dan siapa yang membuat petikan ke atas artikel yang diterbitkan. Selain itu kita dapat mengetahui isu-isu terkini yang menjadi sasaran para penyelidik di samping dapat menyemak hasil kajian yang telah dilakukan oleh penyelidik lain. Begitu juga dengan *trend* terkini yang digunakan oleh para penyelidik yang mana boleh membantu untuk dirujuk bagi meningkatkan hasil kajian mereka.

